

沈雲龍編輯

明清史料彙編

三集

第七冊

文海出版社
印行

明清史料彙編三集目錄

第七冊

劉公旦先生死義記	明·吳下逸民撰	三三三一
航海遺聞	明·汪光復撰	三三三七
風倒梧桐記	明·何是非著	三三七三
江變紀略	明·徐世溥撰	三四七一
兩粵夢遊記	明·馬光撰	三五一七
粵中偶記	明·華復蠡撰	三五八三
庚寅十一月初五日始安事略	清·瞿元錫撰	三六〇五
入長沙記	明·丁大任撰	三六二七
錢氏家變錄	明·錢儒飴撰	三六四七
平定耿逆記	清·李之芳撰	三六八七
明亡述略	清·鎖綠山人述	三七一七

劉公旦先生死義記

吳下逸民撰

公旦先生姓劉氏名曙蘇之長洲人也崇禎壬午
舉于鄉癸未成進士乙酉南都授南昌知縣未任
而南京失守江路絕歸隱蠡口是年冬魯王監國
于浙東嘗令其臣二人廣求天下知名有氣節者
書于冊二人至蘇首列先生名後渡海歸爲松江
提督吳勝兆麾下巡卒所獲勝兆因留二人於幕
以名冊藏之及勝兆舉事敗巡撫土國寶獲二人

與名冊丁亥六月十三日土國寶遣知府吳崇宗
率兵圍先生家縛其二子移兵掩捕先生于蠡口
先生整衣冠長嘯就繫吟絕命詞一首詩曰孤臣
孤子淚如泉死傍君親卽灑然吾道直如頭上髮
此心清似水中蓮枕戈未雪河山恨濡筆空勞史
冊傳欲戀春暉怨慈母登堂愁負白華篇旣見國
寶不屈曰吾世世受國恩南都之變已辦一死特
以父喪未葬老母在堂延喘至今誠爲多活惟願
速死上見高皇帝耳國寶勒令具供交通澥上狀

先生曰我每飯不忘君起義乃素志恨不能手刃汝輩死當爲厲鬼殺汝汝其少待國寶大怒左右甲士皆失色白挺交下頭注血如雨灑地有聲罵不絕口遂與二子同下獄國寶畏其浩氣恐爲他憂如魏其死武安事也因移文至南京舟行五日酒食不嘗一七渴則少飲江水而已及見洪承疇承疇故霽顏相勞苦具詢科第家世及國寶移文中語先生一一答之又問何故屢呼洪武答曰此人心所同然吾其能已之耶又問汝今欲何爲答

曰吾每飯不忘君起義是予素志事勢不幸至此
惟願速死上見高皇帝耳更何爲又問汝有老母
獨不念及耶答曰君親原非兩人爲臣爲子豈有
二理遂發廬按察使鞠之溽暑中匍匐十餘里狂
呼欲絕廬問而驚甚令人急以水蘇之扶而進問
何故兩年來不一見地方官不通一名刺先生曰
居喪抱病廬曰豈無一日安暇乎先生對曰幼承
祖宗清白之訓爲秀才時便已如此若欲以不見
官長爲罪豈所以教天下之廉恥廬曰識時務者

方爲俊傑何自苦如此先生終大笑不屈遂定讞
與崑山顧咸正松江夏完淳同下獄縱橫詩酒談
論忠義每相謂曰吾輩死後當聚一地不爲明神
亦爲厲鬼毋沒沒也九月十九日赴市同刑者三
十餘人先生顧其僕潘祥等曰傳語蕃孫我已慷
慨赴義無爲我恨二子跪先生前號呼請從死完
淳語之曰吾今隨尊甫去矣我輩未盡之志慎無
相忘先生亦命曰汝兄弟不死歸葬祖父善事祖
母代我子職我千古不死矣母爲我哀旣而曰汝

等欲認我屍視左股有割痕者是臨刑時語傍人
曰我今日死得甚歡甚快甚轟轟烈烈顧謂行刑
者曰刀須極鋒利命刀來呈吾一觀先生兩目顧
盼鋒鏑連呼高皇帝而死時年五十有二字求
全尸以歛扶柩歸葬於祖塋之次云

劉公死義記卷終

航海遺聞

汪光復撰

沙壅錢塘騎兵飛渡丙戌六月初六日荊國公方
國安蕩□將軍方元科閣部馬士英阮大鍼方逢
年等先走巡邊閣部張國維護衛魯王監國於十
七日至台州進王府王諱以海賦性寬厚篤於孝
友多病喘初元妃周氏聞警不避王促之行妃訣
曰勿以妾故爲王累碎磁盤自刎甲申冬移封台
州乙酉六月初三日熊孫馮鄭舉事迎至蠡城建

元監國鑄錢用大明通寶四字至是有御營總兵

李唐熙謀同方馬欲縛王作投誠費王於寢夢中

知送狀夜起密召閣部張國維陳函輝兵部侍郎

谷文光

殿輩
四明

指揮總兵王朝鼎

澥門
衛

王有誌左右

協張國忠蔣應彪等齮斬之七月朔駕次澥門衛

入叅府初七日定西將軍張名振差中軍方簡迎

駕出澥王慟哭告廟相向失聲遮道逡巡抵晚登

舟清兵已隨至方馬亦預爲投降計矣永豐伯

張鵬翼

耀先
諸暨

被擒不屈斬之忻誠伯顧勳

會稽
人

鎮

守嚴州兵敗扎營相拒累日全家慘死閣部朱大

典破城時赴火死大司馬余煌投水死武寧侯王

之仁趨南京慷慨就死吏部尙書王思任入雲門

山數月卒魯王至舟山威遠侯黃斌鄉虎痴拒而

不納次普陀惟督師閣部熊汝霖兩股餘姚丁丑孫嘉績

碩膚餘錢肅樂希聲斬人丁丑沈宸侓彤菴馮元颺爾緯

姚丁丑未盧若騰牧舟同翰林兼兵科給事中徐孚遠閻

壬午太常寺寺丞任文正南御史哀嘉彪文虎大司

馬馮京第躋中慈熊督師監軍職方郎中馬星爾

姚任穎眉員外沈光文御史王翔完勳上虞主事梁隆

吉王浚義興伯鄭遵謙履公掛印總兵陳文達匡侯溫州

沈時嘉山陰朱岱瞻王儀鳳姚江金浚上虞劉穆公岸會稽丁丑

侍講兼左給事中張煌言玄著四明王午推官黃雲官揚州

都僉事方端士百里六合從焉閣部荆本澈太徽丹陽甲戌帶

兵由淞江航漕抵舟山其子元相欲襲斌卿兵敗

全家慘死馮元颺以和解悞爲閩兵所殺溫鎮總

兵賀君堯航漕朝王斌卿令朱玖刼殺之平西將

軍王朝先省字蜀人初與定遠將軍陳梧虞公俱奉命

西征者擁兵蛟關鎮倭將軍王鳴謙

益公武寧侯子

其欲

趨金塘岱山爲犄角勢不果富平伯張名振

侯服山西

籍南京人以副將任石浦

迎駕便謁斌卿因締姻而重之以盟

誓焉前舟山亦係名振題借斌卿者遂共守之斌

卿利朝先兵力三書召之朝先率二艦渡橫水

洋斌卿標將朱玖陸偉

閩人

以假迎刼之朝先跳水

得救妻子死焉隨見斌卿作標將摘其印名振一

見朝先卽解衣衣之贈千金爲之力請斌卿還其

印然斌卿殺身之禍實基之矣丁亥夏鎮守吳淞

提督吳兆勝謀叛 清以血書通名振結爲聲援

時魯王在溫澣中之玉果山名振奏請勅印二百

道命張煌言監其軍任文正副之徐孚遠賜一品

服充行人司使聯艘二千餘號兵將五百有餘舟

次黃連港以港名不美令移白米沙傳令洗炮龍

驚浪鼓颶風大作全軍盡覆 清兵擒其弟名遠

斬之徐任以殿兵免永勝伯鄭彩同弟聯因福寧

守將徐登華

榮于湖廣

叛差中軍平南將軍陳輝奏迎

監國加輝平南伯加彩建國公初名振兵敗於洪

濤中遇煌言浮篷上得不死尋逼岸暗行二十里
遇一菴名振叩之僧號一泓者見名振卽爲剃髮
易服飯罷令卽走名振貽卽囑以後騎會緝兵驟
至搜捕之得大領濕衣并卽僧賺以他路追不獲
僧伏誅名振得脫遂歸舟山朱玖必欲殺之名振
別斌卿託言往南山屯田以避之監國入福寧州
封徐登華爲振威伯命張寂惺總督軍務在在皆
揭竿以應平陽侯周崔之元閩安侯周瑞雲麟太子
少師掛印陳文達御史蔡昌登幼文大司馬林塗

子野福
清癸未

主事林泌

道嶼三山

各聚兵攻三山近州數縣

皆下之城中人相食餓死卽腹葬有殺子弟食者

清命總督陳錦固山金提督楊三部堂李佟統

兵克復州縣魯王退壺江崎嶼戊子元旦制賀

王問閣臣熊汝霖曰數年顛躓蹙蹙靡騁春至矣

先生得有佳兆否汝霖對曰臣向少夢惟昨午夢

夢一道士羽衣翩躚揖臣而贈臣以詩臣但記末

二句云可惜忠臣一片心付與東流返故鄉監國

聞之默然尋改云堪羨忠臣百折心喜遂澄清返

故鄉汝霖頓首稱謝十七日彩兵與熊兵偶競質

之彩彩令送之霖霖笞而逐之夜分賊黨百人破

門縛熊沉之江監軍馬星得方簡救得免惟兵科

左給事中陳希友

孝兼三山

揭參鄭彩逆惡彩罪給事

中熊曰繪

遜木黃州心開公文梁子

草疏送督臣錢肅樂肅樂

浩嘆勸火之曰繪大慟竟日去嘗有詩云一身如

洗惟存髮隻字無成剩有心科臣鄔正畿

江簡討

崔相

介人三山

司李陳豸

豹叔

皆含恨星散陳希文知不

爲鄭彩所容繳印披荆去復以母病留舟山聞雨